



Broj: 22-44-1586-7/17
Datum, 23.10.2017.

Na osnovu člana 32., člana 64. stav 1. tačka b), člana 70. stavovi 1., 3. i 6 Zakona o javnim nabavkama ("Službeni glasnik BiH" broj: 39/14), člana 8. stav 2. tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), na Preporuku Komisije za nabavku broj: 22-44-1586-5/17 od 20.10.2017. godine, u postupku javne nabavke usluga: "Obuka za gašenje zapaljivih tekućina pod pritiskom", Direktor Kantonalne uprave civilne zaštite Kantona Sarajevo, donosi

ODLUKU
o izboru najpovoljnijeg ponuđača

Član 1.

Prihvata se Preporuka Komisije za nabavku, broj: 22-44-1586-5/17 od 20.10.2017. godine da se nakon provedenog konkurentskog zahtjeva za dostavu ponuda u postupku javne nabavke usluge: "Obuka za gašenje zapaljivih tekućina pod pritiskom" prema specifikaciji iz Tenderske dokumentacije zaključi Okvirni sporazum na period od 24 mjeseca sa ponuđačem Fraport Slovenija d.o.o. - Fraport Aviation Academy, prema ponudi broj: 0006 od 2017. godine, dostavljenoj dana 19.10.2017. godine za ponuđenu cijenu od 46.592,65 KM (slovima: četrdesetšestiljadpetstotinašesdesetdva KM i 65/100), kao najpovoljnijem ponuđaču.

Član 2.

Prijedlog Okvirnog sporazuma o nabavci dostavit će se na potpis izabranom ponuđaču nakon isteka roka od 10 (slovima: deset) dana, računajući od dana kada su svi ponuđači obaviješteni o izboru najpovoljnije ponude.

Član 3.

Ova Odluka objavit će se na internet stranici Kantonalne uprave civilne zaštite Kantona Sarajevo (www.kucz.ks.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

Član 4.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžet Kantona Sarajevo.

Član 5.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.



Obrazloženje

Postupak javne nabavke usluge: "Obuka za gašenje zapaljivih tekućina pod pritiskom" prema specifikaciji iz Tenderske dokumentacije pokrenut je Odlukom o pokretanju postupka javne nabavke broj: 22-44-1586/17 od 06.10.2017. godine.

Javna nabavka je sprovedena putem konkurentskog zahtjeva za dostavu ponude za koji je predviđeno zaključenje okvirnog sporazuma sa jednim odabranim dobavljačem na period od 24 mjeseca od dana stupanja Okvirnog sporazuma na snagu.

Procijenjena vrijednost javne nabavke je do 50.000,00 KM bez PDV-a.

Obavještenje o nabavci je objavljeno na Portalu javnih nabavki broj: 282-7-2-55-3-25/17 dana 09.10.2017. godine a Tenderska dokumentacija na web stranici ugovornog organa.

Komisija za nabavku, imenovana je Odlukom broj: 22-44-1586-1/17 od 06.10.2017. godine.

Komisija za javnu nabavku dostavila je Direktorcu Zapisnik o pregledu i ocjeni ponuda broj: 22-44-1586-4/17 od 20.10.2017. godine, Preporuku o izboru najpovoljnijeg ponuđača broj: 22-44-1586-5/17 od 20.10.2017. godine i Izvještaj o radu broj: 22-44-1586-6/17 od 23.10.2017. godine, u postupku javne nabavke usluge: "Obuka za gašenje zapaljivih tekućina pod pritiskom, a prema specifikaciji u Obrazcu za cijenu ponude (Aneks 2).

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljena 1 ponuda,
- da su blagovremeno primljena 1 ponuda,
- da nije bilo neblagovremeno primljenih ponuda,
- da je ponuda ponuđača: Fraport Slovenija d.o.o.- Fraport Aviation Academy, Zgornji Brnik 130 a; 4210 Brnik – Aerodrom, Republika Slovenija kvalifikovana i prihvatljiva, i da su dostavljeni svi traženi dokazi propisani Tenderskom dokumentacijom, na propisan način.

Komisija za javnu nabavku je u Zapisniku o pregledu i ocjeni ponuda broj: 22-44-1586-4/17 od 20.10.2017. godine prema kriteriju iz Tenderske dokumentacije (najniža cijena ponude) ocijenila ponudu ponuđača Fraport Slovenija d.o.o. - Fraport Aviation Academy kao najpovoljniju za ponudenu cijenu od 46.592,65 KM (slovima: četrdesetšesthiljadpetstotinašesdesetdva KM i 65/100).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponude, u skladu sa kriterijumom iz Tenderske dokumentacije za ovaj postupak.

U postupku ocjene provedenog postupka, Direktor Kantonalne uprave civilne zaštite Kantona Sarajevo, nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen jer je kriterijum za izbor ponude: najniža cijena.



E-mail: kucz@kucz.ks.gov.ba ; www.ks.gov.ba

Tel.: + 387 33/201-595 ; + 387 33/443-720; fax:033/560-453

71000 Sarajevo, Hamida Dizdara 1

Iz navedenih razloga, primjenom člana 32, člana 64. stav 1. tačka b) Zakona o javnim nabavkama, te člana 70. stavovi 1., 3. i 6. Zakona o javnim nabavkama ("Službeni glasnik BiH" broj: 39/14), člana 8. stav 2. tačka d) Pravilnika o uspostavljanju i radu Komisije za nabavke ("Službeni glasnik BiH" broj: 103/14), odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Uredu/Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Ul. Hamida Dizdara 1, 71000 Sarajevo.

Žalba se podnosi u najmanje 3 (tri) primjerka.

Dostavljeno:

- Svim ponuđačima
- Sektoru za ekonomske poslove KUCZ
- Ministarstvo finansija Kantona Sarajevo
- a/a

DIREKTOR
mr. Mustafa Kovač



E-mail: kucz@kucz.ks.gov.ba ; www.ks.gov.ba
Tel.: + 387 33/201-595 ; + 387 33/443-720; fax:033/560-453
71000 Sarajevo, Hamida Dizdara 1